

國家圖書館藏歷史檔案文獻叢刊

方恪敏公奏議

第2冊

全國圖書館文獻縮微復制中心

國家圖書館藏歷史檔案文獻叢刊

# 方恪敏公奏議

第 2 冊

全國圖書館文獻縮微複製中心

奏為恭謝

天恩訓諭仰祈

睿鑒事本月初九日承准軍機處字寄內開乾隆十

五年五月初七日奉

上諭吏部今日進呈缺單內有候補道員高山查高

山前經發往直隸派修城工現在尚未完竣非尋  
常候補人員可比吏部既不應照例請旨補用而  
該督方觀承明知該員現有未完之工何得聽其  
遽行赴部投供辦理殊屬瞻徇此次姑置弗論高  
山著仍發往直隸將應修城工令方觀承嚴督速  
行趕辦欽此欽遵寄信到臣伏查高山現有應修

豐潤城工未竣乃任其遽行赴部投供候補皆  
由臣失於查察辦理不周之故仰荷

天恩寬宥不加譴責

降旨訓飭倍深惶悚案查本年五月初六日據豐潤

縣知縣姜之瑜稟稱四月二十九日原任布政

司高山口稱於五月初一日起身赴京引

見城垣現有家人督工修理理合稟知等語臣以高

山現在修城因何赴京引

見係奉何處行知該縣並不詳查稟明候示惟據高

山之詞即聽其赴京殊屬冒昧當即批司嚴查

去後茲臣欽奉

諭旨內高山係赴部投供則其所稱赴京引

見之語亦屬虛誑臣查高山發直修城即使有奉文

赴京引

見之事臣亦應將其城工未完緣由先行具摺

奏明今高山赴部投供例不由臣衙門辦理臣於

欽奉

諭旨之後徧查案卷亦無另有行知令高山赴部之

文緣豐潤距京不遠高山業已赴京始據該縣稟到是以批查無及臣與高山從未識面實不敢稍有瞻徇自干罪譴但臣不能替屬妥辦各實難辭除將不行查阻之豐潤縣知縣批司飭究外其高山所修城工現在嚴督趕辦前經臣批限速竣逾期即令該縣詳報核叅並行查東

省原籍家產有無隱匿未復統容臣詳悉查明  
另行具

奏  
茲蒙

聖主訓諭所有微臣感激下忱理合恭摺奏謝

天恩伏乞

皇上聖鑒謹

奏

乾隆十五年五月十二日奏十六日奉  
硃批舉一隅不以三隅反則不復也如勵宗萬之城工亦  
然欽此

奏為

奏明事查原任宗人府府丞徐杞派修沙河鞏華

城一案前督臣那蘇圖承准

內廷寄信乾隆十四年三月初一日奉

上諭據宗人府府丞徐杞奏稱上年承修沙河城工

原估銀一萬八千八百七十餘兩已解交銀九千  
兩其未交銀九千八百七十餘兩措脩需時恐稽  
要工懇於直隸藩庫閒款內照數動支應用分限  
四年陸續解繳歸項至脩辦一切工料必需地方  
官經理庶免呼應不靈上年督臣那蘇圖曾派員  
協辦仍札令臣遣人前往經理臣實無親信熟練

之人懇恩准交地方官照原估銀數辦理等語徐  
杞所請事屬可行著傳諭那蘓圖令其預支藩庫  
銀兩應用徐杞應交之項准其按限完繳並交該  
地方官照估辦理欽此那蘓圖遵於司庫豫東協  
耗項內照數借撥委北路同知孔傳派承辦具

摺

秦明在案嗣徐杞於十四年五月內又解交銀五  
百兩共交過銀九千五百兩尚未交銀九千三  
百七十餘兩一年以來並無續交之項今徐杞  
已奉

旨休致其原請分限四年解繳歸項應自乾隆十四  
年三月初一日奉

旨之日為始扣至乾隆癸酉年二月四年之限始滿  
如聽其於回籍後陸續完繳自應咨明浙江巡  
撫行催報解事閑歸還庫項理合具

奏伏候

皇上訓示再此案城工委員備料於本年三月十  
日開工現飭霸昌道魯成龍不時督率稽查務

期如式完固速竣具報合併陳明謹

奏

乾隆十五年五月十七日奏摺二件

請

皇上聖躬萬安

跪